



Broj: 02-04-2-5264-8
Kalesija, 12.08.2026. godine

PREDMET: Poziv na učešće u procesu javnih konsultacija: Nacrt strateške platforme Strategije razvoja Općine Kalesija za period 2027.-2034. godina

Strategija razvoja Općine Kalesija za period 2027.-2034. godina integrirani je multisektorski strateški dokument kojim se oblikuju javne politike i integralno usmjerava razvoj općine Kalesija. Strategija razvoja postavlja viziju sveukupnog razvoja, razvojne ciljeve i prioritete za Općinu Kalesija, dok istovremeno pruža strateški okvir za mobilizaciju finansijskih resursa iz domaćih i međunarodnih izvora.

Proces izrade Strategije razvoja koordinira Razvojni tim imenovan Rješenjem načelnika Općine Kalesija a proces izrade Strategije odvija se u skladu sa odredbama Zakona o razvojnom planiranju i upravljanju razvojem u FBiH („Službene novine Federacije BiH”, broj: 32/17) i Uredbom o izradi strateških dokumenata u Federaciji BiH („Službene novine Federacije BiH”, broj: 74/19 i 2/21).

U dosadašnjoj fazi procesa izrađen je nacrt Strateške platforme, koji predstavlja osnovu za dalje definisanje razvojnih prioriteta, mjera i projekata Općine Kalesija za naredni planski period. Strateška platforma obuhvata detaljnu socio-ekonomsku analizu stanja i razvojnih kretanja na području općine, SWOT analizu, identifikovane strateške fokuse, viziju razvoja i prijedlog strateških ciljeva.

Naredni korak u procesu izrade Strategije su javne konsultacije na Nacrt Strateške platforme, koji je dostupan za Vaše komentare, sugestije i primjedbe.

Pozivamo Vas da Vaše prijedloge za izmjene i dopune Nacrta strateške platforme Strategije razvoja općine Kalesija dostavite putem Obrasca, koji je u prilogu ovog poziva, te da isti dostavite najkasnije do 12.09.2026. godine na e-mail adresu: opcina@kalesija.ba ili na pisarnicu Općinske uprave Kalesija sa naznakom “Za proces javnih konsultacija: Nacrt strateške platforme Strategije razvoja Općine Kalesija za period 2027.-2034. godina”



OPĆINSKI NAČELNIK
Nermin Mujkanović, MA iur.